

KERATAN AKHBAR

TARIKH : 29 JUN 2024
AKHBAR : BERITA HARIAN
MUKA SURAT : 23

Pelaksanaan segera projek pembangunan pacu ekonomi

Pelaksanaan segera projek pembangunan pacu ekonomi

Potensi pelaksanaan projek yang lebih cepat di bawah pelan tindakan pembangunan dijangka memacu ekonomi Malaysia untuk mencapai sasaran pertumbuhan yang diunjurkan antara 4.0 hingga 4.5 peratus tahun ini, demikian menurut Malaysian Rating Corporation Bhd (MARC).

MARC dalam laporan setengah tahunnya walaupun bagaimanapun berkata, Malaysia berdepan cabaran bagi mengekalkan pertumbuhan perbelanjaan swasta disebabkan jangkaan pengguna terhadap inflasi yang lebih tinggi susulan pelaksanaan rasionalisasi subsidi.

"Walaupun sektor pelancongan mencatat pertumbuhan

yang lebih tinggi dalam empat bulan pertama 2024, mengekalkan lantunan ini memerlukan peningkatan berterusan dasar pelancongan di tengah-tengah persaingan yang lebih tinggi daripada negara ASEAN lain.

"Ini terutamanya, trend dis inflansi Malaysia sudah berakhir, walaupun kadar inflasi kekal sederhana," katanya.

Pada suku pertama 2024, inflasi meningkat kepada 1.8 peratus daripada 1.5 peratus yang dicatatkan pada suku keempat tahun lalu.

MARC menjangkakan kadar inflasi negara berada pada 2.5 hingga 3.0 peratus dengan pusangan kedua kesan inflasi daripada

da rasionalisasi subsidi, dengan mengambil kira dasar sedemikian untuk menghadkan tahan va rian inflasi.

"Selain itu, ketidaktentuan geopolitik meningkatkan risiko kepada inflasi, di samping turun naik dalam harga komoditi dan peningkatan kos melalui rantai pasokan.

"Namun, inflasi dan pertumbuhan yang mamparn di Malaysia seharusnya menyediakan skop kepada Bank Negara Malaysia (BNM) untuk mengekalkan Kadar Dasar Semalam (OPR) tidak berubah pada 3.0 peratus untuk 2024," katanya.

Dalam laporan sama, MARC berkata, pertumbuhan ekonomi

global dijangka mengekalkan tahap sederhana pada 2024.

Katanya, ramalan pertumbuhan untuk ekonomi Eropah maju kekal secara relatif stabil, walaupun terdapat kelemahan yang berlarutan.

"Kekuatan ekonomi Amerika Syarikat (AS) mungkin menyederhanakan kadar pemotongan kadar dasar, yang berpotensi membawa kepada pelonggaran dasar monetari global yang ku rang selari, berbanding beberapa bank pusat di Eropah yang sudah mula mengurangkan kadar.

"Bacaan bercampur-campur yang berterusan mengenai inflasi, terutama di AS membawa kepada pengurangan jangkaan

penurunan kadar faedah," kata nya.

Agensi penarafan itu menjelaskan, pertumbuhan global yang mamparn juga diterjemahkan dalam aktiviti perdagangan serantau Asia, yang pulih dengan kukuh di tengah-tengah peningkatan permintaan luar, pelancongan yang bertambah baik dan pertumbuhan yang mamparn dalam jualan semikonduktor.

"Indeks Pengurus Pembelian (PMI) Malaysia berada pada fasa pengembangan buat kali pertama sejak September 2022, mendapat manfaat daripada pemulihian perdagangan serantau dan kitaran peningkatan teknologi," katanya.